

Caspar Mauritius

**Programma Quo Rector Universitatis Rostochiensis Casparus Mauritius, SS.  
Theol. D. P. P. & Superint. Ad Exequias, Quas ... Puellulae Annae Elisabethae  
Großgebawrn/ Parentes Moestissimi Hodie hora prima in templo Jacobaeo  
paratas cupiunt, Omnes omnium ordinum Cives Academicos peramanter &  
sedulo invitat**

Rostochii: Kilius, 1656

<http://purl.uni-rostock.de/rosdok/ppn777523779>

Druck Freier  Zugang




Mavritius, C.,  
in A.E.Grossgebawr.

R. 1656.

37
















PROGRAMMA  
Quo  
RECTOR UNIVERSITATIS  
ROSTOCHIENSIS  
CASPARUS MAVRITIUS



Ss. Theol. D. P. P. & Superint.

Ad Exequias,

Quas

Suarissima piissimæq;  
Puellæ

ANNÆ ELISABE-

THÆ Großgebawrn/  
PARENTES MOESTISSIMI

*Hodie hora prima in templo Jacobæo  
paratas cupiunt,*

Omnes omnium ordinum Cives Academi-  
cos permanenter & sedulo invitat.

☞ (o) ☞



ROSTOCHII, Typis Hæredum NICOLAI KILII  
Acad. Typogr. Anno 1656.



**M**elior est homini dies mortis die quo nascitur, inquit mortalium sapientissimus. Dies mortis verorum Christianorum dies verè natalis est. Etenim illo die, quo lucis hujus usura frui incipimus, simul morti consecramur: at illo, quo desinimus vitam naturalem vivere, veræ vitæ, quam in Adamo amisimus, restitui- mur atq; redonamur. Quid enim mille sunt anni? quid? nil nisi mortis continuatio. Quis novit, inquit Euripides apud Laertium, an vivere hoc sit emori, an emori hoc quod vocamus vivere? As- sonat Augustinus: *Mortalem dicam hanc vitam, an mortem vitalem nescio.* Memorabilis est sen- tentia Gregorii Nazianzeni. *Res humana labun- tur & intereunt, & aliam atq; aliam subinde muta- tionem capiunt. Vita quidem & mors tametsi plu- rimum inter se differre videantur, inter se tamen mu- tuo transmeant, vicissimq; succedunt. Mors vero, quæ non modo nos à presentibus malis vindicat, ve- rum ad supernam quoq; vitam sæpè traducit, haud scio an propriè mors appellari queat, utpote nomine magis quam reformidabilis. Atque absurdè sanè & præ- posterè affecti esse videmur, qui ea, quæ formidolo- sa non sunt, extimescamus, ea autem quæ metuenda sunt, ut meliora, magisq; expetenda, complectamur.*  
*μία ζωὴ πρὸς τὴν ζωὴν βλέπειν, ὡς δύνανται ἢ ἀμαρτία ψυ- χῆς γὰρ ὀλεθρῆς.* Quanta differentia est inter foe- rum

rum



tum utero clausum & Virum consummatæ cor-  
roboratæq; ætatis, & virtutis, tanta & multis par-  
tibus major differentia est inter illud corpus  
Φζερὸν, quod hic circumgestamus, & ἄΦζερν  
illud, quo extremus dies nos est beaturus. Nulla  
similitudo tenebrarum uteri materni est & lucis  
solaris : neq; ullam lucis hujus vitæ & claritu-  
dinis faciei divinæ analogiam dabis. Qvalis est  
proportio angustiarum uteri materni ad totius  
orbis amplitudinem, talis hujus vitæ proportio  
est ad cælum beatorum. Fœtus cum excludi-  
tur simul exiit illud, cui inclusus in utero ma-  
terno erat: sic homo, dum moritur, ruptis  
omnibus hujus vitæ involucris & effracto  
servitutis carcere in veram libertatem asseritur.  
Infans cum in hanc lucem editur, si quidem  
rationis usum haberet, non à fletu, sed po-  
tius à risu & gaudio exordium ducturus esset, eò  
quod ex squalidissimis tenebris in amœnissimam  
educitur lucem. Adeundem modum homo ve-  
rè Christianus, ubi vitam cum morte beata com-  
mutat, non lacrimis se dedit, sed gaudio exultat  
potius, eò quod ex viva morte in veram semperq;  
duraturam traducitur vitam. Mare hæc vita  
est: mors portus. Mare nunc quidem ridet &  
blanditur, mox sævit & furit : nunc cælo mina-  
tur & meros molitur montes atq; abyssos, mox  
ad



ad quietem & planitiem se recipit, semper amarum, semper fallum, innumera producit monstra, deniq; sæpè inexpectatis nec provisus fluctibus nautas obruit, ut verè olim censuerit. Menander: *Satius esse terra pauperem esse, quam divitem mari.* Et quotusquisq; vivit, quem vitæ hujus inconstantia lateat, qui non subinde in se vel in aliis experiatur miram ejus amaritudinem, eventus improvisos, monstra infinita, mala inexhausta? *Non mare tot guttas quod mala mundus habet!* Merito Cicero exclamat: *O fallacem hominum spem, fragilemq; fortunam & inanes nostras contentiones, quæ in medio spatio sæpè franguntur, & ante in ipso portu obruuntur, quàm portum conspiciere potuerint!* Quanto optatis est in portum tutum & tranquillum in vehi, quàm sævis jactari tempestatibus atq; procellis, tanto optatius est mortem obire, quæ finis est dolorum & laborum atq; periculorum omnium, quàm vitæ hujus perpetuis fluctibus fatigari. Quanto beatius est altissima jucundissimâq; pace frui, quàm perpetuis iisdemq; ærumnosissimis bellis inquietari, tanto beatius est mori quàm vivere. In hoc enim bella infinita: in illo pax & felicitas æterna. Hanc nacta est ANNA ELISABETH Großgebaur/ cui nunc exequiæ parantur. Si beatus dicendus est, qui celerrimè superatis æquoris molestiis exoptatissimum consequi-



quiritur portum, beata quoque; nostra pie defuncta dicenda est, cui Deus brevissimum vite miserae spatium indulgit, ut tanto citius ad verae felicitatis portum aeternaeque; vite solida oblectamenta deducere-  
tur. Nata ea est Anno M. DC LIII. XXX. Sept. Patre Viro Reverendo & Clarissimo Dn. M. *Theophilo Großgebauer* ad D. Jacob. Verbi ministro fidelissimo, Collega & in Christo Fratrem pl. colendo: Matre Foemina pientissima ornatisimaque; *Margaretha Steins*. Avus Paternus est Vir Spectatissimus & Integerrimus Dn. *Valentinus Großgebauer* primum Perillustris Comitum de *Schwarzburg* Camerae Secretarius, nunc vero Civitatis Ilmenensis Consul meritisissimus: Avia paterna *Maria Schmidin*, Matrona honestissima Deoque; dilectissima. Proavi Paterni ei fuerunt *Carol Großgebauer* in Pago *Sultz* Comitatus Hennebergensis Agricola industrius, Vir integer vite scelerisque purus, cujus conjux erat *Elisabeth von Silpershausen*: & *Fridericus Schmiebt* Organista & Collega Scholae Sleusingenensis in Comitatu Hennebergensi, cujus Conjux erat *Maria Schmuckin*, soror Viri Admodum Reverendi atque Excellentissimi Dn. *Vincentii Schmuck*, SS. Theol. D. Prof. & Facult. Theol. Senioris atque Consistorii Lips. Assessoris quondam gravissimi: Abavi paterni *Balzer Großgebauer* Agricola, sed in literis non male versatus pro illius gentis cultu & moribus: & *Michael Schmuck* Typographus Sleusingenensis.



Avum maternum habuit Virum pl. Reverendum  
& Clarissimum *Dn. M. Johannem Stein*, Pastorem  
Nicolaitanum & Rev. Ministerii Rostochiensis Se-  
niorem venerabilem, Collegam & in Christo  
Fratrem honorandum: Aviam Paternam, *Margaretham Lobecken* Matronam laudatissimam: Proa-  
vos Maternos *Hans Stein* Cerevisiarium, cujus Con-  
jux fuit *Anna Dänen*, & Virum pl. Reverendum  
atq; Excellentissimum *Dn. Davidem Lobeckium*,  
SS. Theol. D. Prof. & Eccles. Jacobæum longè cele-  
berrimum, cujus Conjux fuit *Ursula Schachts*:  
Abavos Maternos *Peter Stein* / Civem Rostochi-  
ensem, cujus Conjux fuit *Köneke von Bartelsdorff*,  
& Virū Maximè Reverendum atq; Excellentissimum  
*Dn. Valentinum Schacht*, SS. Theol. D. Prof. & Pa-  
storem Jacobæum meritissimum, cujus Conjux  
erat *Margareta Höppeners*. Ex hac honestissima &  
præclarissima familia orta piè defuncta eodem,  
quo hanc lucem adspexit, die baptizata in nume-  
rum filiorum Dei & hæredum vitæ æternæ recepta  
est. Post aucta ætate Præceptorī informanda in  
pietate tradita, specimina devotæ mentis & precum  
ardentissimarum quamplurima edidit. Si fortè  
contingeret, dilectissimos Parentes ægritudine ali-  
qua affici, nostra sine mora ad preces conversa est  
easq; appositæ & ad rem accommodatas. Cum inci-  
peret decumbere, quod factum VI. Decemb. prima  
hæc ejus vox fuit ad Sororem directæ: *Bete / Das es  
bald*



bald besser werde. Morbo propulsando (varioli-  
erant) adhibitus Experientiss. & Excell. Dn. D.  
Johannes Backmeisterus, Collegapl. honorandus,  
omnia quidem media tentavit, sed irritosuccessu.  
Interdum quippe docta plus valet arte malum.  
Durante morbo piè defuncta honoratiss. Dn. Paren-  
tem ut precibus præiret monuit, & inter durissi-  
mos Paroxyismos præeuntem secuta est sæpiusculè  
ingemiscens: Ach lieber GOTT / Ach lieber  
GOTT / wie so schwer! Die XV. Decemb. ingra-  
vescente morbo pectoris angustiis & symptomati-  
bus vehementer conflictata, cum precibus Dn. Pa-  
rens instaret, ipsa duas precatiunculas clarè pro-  
nunciari lingua semimortua petiit Ach mein Herste-  
bes Jesulein &c. itemq; aliam, cujus summa huc re-  
dit / Sie wolte gern seinem Himmels Pflanzlein.  
Verba Davidis Emphatica, HERR wenn ich nur dich  
habe &c. repetebat, quando jam morti vicinissi-  
ma, corpore animoq; laborans deficiebat. Sic  
mortua XV. Decemb. inter IX & X vespertinam  
animulam piissimam DEO Creatori & Servatori  
JESU placidè reddidit. Gratulamur piè defunctæ  
de felici exitu ex turbulento hujus vitæ mari, & bea-  
to in gloriosæ immortalitatis portum ingressu.  
Nobis eandem beatitudinem, & dilectissimis Pa-  
rentibus animum divinæ voluntati promptè se sub-  
mittentem Christiano affectu optamus. Cum  
vero



vero exuviæ hodiè hora I. in Templo Jacobæo ter-  
ræ sint demandandæ ea, qua par est, diligentia,  
rogamus Omnes Omnium Ordinum Academi-  
cos Cives honoratissimos, ut postremum humani-  
tatis officium piè defunctæ præstent, & non mo-  
do erga eos, qui decesserunt meritis in Acade-  
miam & Ecclesiam conspicui, verum etiam erga  
superstites observantiam & *ουπαδειαν* contestentur,  
& exemplum brevissimæ vitæ ante oculos haben-  
tes mortalitatis suæ memores vivant. GER.

MANA SAPIENTIA MORTIS  
MEDITATIO  
EST,

P. P. Rostochii sub Sigillo Rectoratus XVII.  
Anno M. DC. LVI.

Conventus fiet in æde Jacobæa  
hora I.





















bald besser werde. Morbo pro  
erant) adhibitus Experientiss. &  
Johannes Backmeisterus, Colleg  
omnia quidem media tentavit,  
Interdum quippe docta plus va  
Durante morbo piè defuncta hor  
tem ut precibus præiret monuit  
mos Paroxysmos præeuntem sec  
ingemiscens : Ach lieber G D  
G D R R / wie so schwer! Die X  
vescente morbo pectoris angustii  
bus vehementer conflictata, cum  
rens instaret, ipsa duas precati  
nunciari lingua semimortua petii  
bes Jesulein &c. itemq; aliam, cu  
dit / Sie wolte gern sein ein Hi  
Verba Davidis Emphatica, H E X  
habe &c. repetebat, quando jam  
ma, corpore animoq; laborans  
mortua XV. Decemb. inter IX  
animulam piissimam D E O Cre  
JESU placidè reddidit. Gratula  
de felici exitu ex turbulento huj  
to in gloriosæ immortalitatis  
Nobis eandem beatitudinem, &  
rentibus animum divinæ volunta  
mittentem Christiano affectu o

(varioli  
Dn. D.  
brandus,  
succesu.  
malum.  
n. Paren  
durissi  
piusculè  
Ch lieber  
b. ingra  
otomaci  
Dn. Pa  
arè pro  
Herzlie  
huc re  
ângelein.  
nur dich  
vicinissi  
at. Sic  
ertinam  
ervatori  
efunctæ  
, & bea  
ngressu.  
mis Pa  
se sub  
Cum  
vero

